

KWALITEIT GESONDHEIDSORG VIR ALMAL

Primêre gesondheidsorg is gratis beskikbaar en hospitaaldienste word teen relatiewe lae koste voorsien volgens inkomste.

Kinders onder die ouderdom van ses, verwagende vroue en diegene wat maatskaplike toelaes ontvang, kry gratis hospitaaldienste.

Die 2013 Begroting sal voorkomings- en behandelingsprogramme vir MIV/Vigs en TB versterk, mediese navorsing bevorder en die bestuur en voorsiening van infrastruktuur verbeter.

- Oor die volgende drie jaar is R429.2 miljard toegeken vir gesondheidspandering.
- 'n Addisionele R800 miljoen is voorsien vir die uitbreiding van antiretrovirale behandeling om 'n addisionele 500 000 mense per jaar te dek.
- 'n Verdere R78 miljoen is toeken aan die Nasionale Instituut vir Oordraagbare Siektes om waarnemingsprogramme vir rotavirus, pneumococcus, MIV, TB en ander oordraagbare siektes te verbeter.
- Die Mediese Navorsingsraad sal R440 miljoen oor die

Die 2013 Begroting sal voorkomings- en behandelingsprogramme vir MIV/Vigs en TB versterk, mediese navorsing bevorder en die bestuur en voorsiening van infrastruktuur verbeter

- volgende drie jaar ontvang om navorsingsprogramme en infrastruktuur te verbeter en gesamentlike projekte met ontwikkelingsvennote te verbeter.
- Oor die volgende drie jaar sal provinsies 'n groot gedeelte van hulle gekombineerde R29.5 miljard begroting gebruik om infrastruktuur te befonds by distriks- en plaaslike hospitale, insluitende Edendale Hospitaal en die Natalspruit Hospitaal in Ekurhuleni.
- Die Departement van Gesondheid sal R5 miljard spandeer aan primêre gesondheidsorg waarvan R3.2 miljard ten opsigte van klinieke is.



ELSIE LEEF POSITIEF MET MIV/VIGS

ELSIE BOGATSWE beskou haarself as baie gelukkig om te leef. Sy is in 1988 met MIV besmet en het verwerping van die gemeenskap ervaar wat nie die siekte verstaan het nie. Haar gesondheid het in 1994 agteruitgegaan en teen die tyd wat sy vir mediese hulp gegaan het, was die moeder van drie naby die dood. "My voete het gebewe. Ek was baie maer. My gesig

was wit. My mond was swart. Ek was bang en skaam. Ek het gedink: Ek gaan sterf. Wat gaan van my kinders word?" Elsie het drie maande in die hospitaal deurgebring en teen die tyd wat sy ontslaan is was sy sterk. "Ek het goed gevoel. Ek het goed gelyk," het sy gesê. "Ek is 'n kans gegun en ek het gedink dat ek nou alles reg moet doen." Ek het aan my familie gesê: 'Ek is nie dieselfde

as wat ek vantevore was nie – ek leef met MIV/Vigs." In 2005 het Elsie se CD4 begin terugval en het sy met ARM behandeling begin. As 'n buitepatiënt by die Charlotte Maxeke Akademiese Hospitaal besoek sy die MIV/Vigs kliniek elke ses maande om haar gratis ARMs te gaan haal en om 'n dokter te spreek. "Ek weet nie of die belastingbetalers agterkom dat hulle mense

soos ek help nie," sê sy. "Hulle help my en vele ander mense. Ons sê baie dankie dat julle ons help – en dat ons nie oorgelaat is om dood te gaan nie."




WAAR KOM DIE GELD VANDAAN

BELASTINGINKOMSTE	2013/14	%
Persoonlike inkomstebelasting	306 188	34
Aksynsregte	31 265	3
Korporatiewe inkomstebelasting	169 830	19
Doeanebelasting	41 340	5
BTW	242 990	27
Brandstofheffings	44 970	5
Ander	61 421	7
TOTAL	898 004	100

Die regering vorder hoofsaaklik geld in van persoonlike, korporatiewe en belasting op toegevoegde waarde en deur die uitreik van staatskuldinstrumente. Al die geld wat deur die nasionale regering ontvang word, word in die Nasionale Inkomstefonds betaal. Besteding van R1.1 triljoen sal in 2013/14 deur totale belastinginkomste van R985.7 miljard en lenings van R163.7 miljard befonds word. Teen 2015/16 sal totale staatskulde tot R1.9 triljoen toeneem voordat dit stabiliseer, en daarna verminder. Die regering besef die risiko verbonde aan die aangaan van skuld. Gevolglik is besteding ten bedrae van R52.1 miljard na voorkeurprogramme soos onderwys, gesondheid, infrastruktuur en werkskepping geherprioritiseer.

HOE SAL DIT BESTEE WORD



2013 BEGROTING UITEENSTTING

BELASTING VOORSTELLE

- Individue wie se belasbare inkomste van 'n enkele werkgewer is en nie R250 000 vir die 2012/13 belastingjaar oorskry nie, hoef nie belastingopgawes in te dien nie;
- Belasting- en nakomingsverligting vir klein besighede;
- Byvoordeel belastingverligting vir laer inkomstegroep ten opsigte van werkgewer behuising;
- Maandelike belastingkrediete vir mediese skema bydraes sal verhoog;
- Die belasting hantering van bydraes tot pensioen-, aftree-annuïteit en voorsorgfondse word geharmoniseer;
- Belastingaansporings vir besighede wat na spesiale ekonomiese sones verskuif;
- Verseker dat die voorgestelde koolstofbelasting, elektrisiteitsheffing en energie-doeltreffendheid aansporingbelasting in ooreenstemming met mekaar is;
- 'n belastingtoegewing vir die indiensneming van persone wat die eerste keer lae inkomste werk soek.



MAATSKAPLIKE TOELAES

	2012/13	2013/14
Staatsouderdomspensioen	1 200	1 260
Staatsouderdomspensioen, ouer as 75	1 220	1 280
Toelae vir oudstryders	1 220	1 280
Ongeskiktheidstoelae	1 200	1 260
Pleegsorg toelae	770	800
Sorgafhanklikheids-toelae	1 200	1 260
Kinderonderhoudstoelae	280	290

AKSYNSBELASTING OP ALKOHOL EN TABAK

Die geteikende totale belastinglas (aksysregte plus BTW) uitgedruk as 'n persentasie van die geweegde gemiddelde kleinhandelprys vir wyn, bier en alkohol is onderskeidelik 23, 35 en 48 persent. Die geteikende belastinglas op tabakprodukte is 52 persent van die kleinhandelprys. Om hierdie vlakke van belasting te handhaaf sal die volgende verhogings nou van toepassing wees:

	Moutbier - verhoog met 7,5 sent tot R1,08 per 340ml blikkie
	Gefortifiseerde wyn - verhoog met 19,5 sent per 750ml bottel
	Ongefortifiseerde wyn - verhoog met 15 sent per 750ml bottel
	Vonkelwyn - verhoog met 56 sent per 750ml bottel
	Appelwyn en alkoholiese vrugte drank - verhoog met 7,3 sent per 330ml bottel
	Sterk drank - verhoog met R3,60 tot R39,60 per 750ml bottel
	Sigarette - verhoog met 60 sent tot R10,92 per pakkie van 20
	Pyp tabak - verhoog met 32 sent tot R3,54 per 25g

OMGEWINGSBELASTING GAAN OP

	Brandstofheffing - Vanaf 3 April 2013 sal die algemene brandstofheffing met 15 sent per liter styg na R2,13 terwyl die Padongelukke Fondsheffing sal toeneem met 8 sent per liter na 96 sent per liter brandstof.
	Plastiese sakheffing - Die heffing op plastiese inkopiesakke het verbruikers aangemoedig om gebruik te verminder. Die heffing sal toeneem van 4 sent na 6 sent per sak vanaf 1 April 2013.
	Gloeilampheffing - Om energiedoeltreffendheid te bevorder is 'n gloeilampheffing in 2009 ingestel. Die heffing sal verhoog vanaf R3 na R4 per gloeilamp vanaf 1 April 2013.
	Motorvoertuig koolstofdoksied emissiesbelasting - Die belasting op motorvoertuig koolstofdoksied emissies, wat bedoel is om verbruikers aan te moedig om motors met laer koolstofdoksied emissies te koop, sal vanaf 1 April 2013 verhoog. Vir passasiersmotors sal die belasting toeneem van R75 tot R90 vir elke gram van emissies per kilometer bo 120 gCO ₂ /km. In die geval van dubbel kajuite sal dit toeneem van R100 na R125 vir elke gram emissies per kilometer bokant 175 gCO ₂ /km.

BTW OP INGEVOERDE ELEKTRONIKA EN DIENSTE VOORGESTEL

	BTW op ingevoerde elektroniese dienste - Die regering stel voor dat buitelandse besighede wat e-boeke, musiek en ander elektroniese dienste aan Suid-Afrikaners voorsien verplig word om as BTW-verkopers te registreer vanaf 'n datum wat aangekondig sal word. Dit sal die mededingende voordeel wat hierdie buitelandse besighede teenoor hulle plaaslike mededingers het verminder.
--	--



BELASTINGVERLIGTING VIR INDIVIDUE

Belastingverligting van R7 miljard word voorgestel vir individuelebelastingbetalers. Persoonlike inkomste belastingkerwe en -kortings is grootliks aangepas om die effek van inflasie op betaalbare belasting te verminder.

Belastingjaar 1 Maart 2013 tot 28 Februarie 2014	
Onder die ouderdom van 65	R67 111
Ouderdom 65 - 74	R104 611
Ouderdom 75 en ouer	R117 111

Die jaarlikse belastingkortings vir individue het ook as volg verhoog:

Belastingjaar →	1 Maart 2012 tot 28 Februarie 2013	1 Maart 2013 tot 28 Februarie 2014
Primêre (vir alle individue)	R11 440	R12 080
Sekondêre (ouderdom 65 -74)	R6 390	R6 750
Tersiêre (ouderdom 75 en ouer)	R2 130	R2 250

Belastingkrediete vir mediese skema bydraes

Maandelike belastingkrediete vir mediese skema bydraes (vermindering van betaalbare belasting) sal verhoog word van R230 tot R242 vir die eerste twee begunstigdes op 'n mediese skema, en van R154 tot R162 vir elke bykomende begunstigde op die mediese skema vir die 2013/14 jaar van aanslag.

**HET JY HIERDIE
PUBLIKASIE NUTTIG
GEVIND ?**

**SMS Ja of Nee na
44112**

'n Standaard tarief van 50c per sms sal geld.